

MØG-A ÁCÍMMI YI KÖMI LÄBØ KI RI GĪG-A DWADDI KIPER DHANHØ BÈNE

G. A. res. 217A (III), U.N. Doc A/810 at 71 (1948)

THYĒRØ

Ka árum yīēyīi kinni wøri bēēdi dhanhø á dhanhø pere tek, ki kinni gĭn-a cwøl á dhanhø pār bēne, o di dwaddø kinni bēēd ji bēnn ki kōmi piny ki mēr, ge gøgg-a dyēr, e bong ngan geny,

Kà bēēd wøyi dhanhø nyii kånø ki bēēdø me raj, ki liny geki rēnyi rumi dhanhø, ka bēēn-a di bēēd ji ge køm-a dyēr e bong ngan mään kwøbi kej dhøge, o yīēye bēēde á cwagge kete, e dhanhø pa böggi rumø yīēyø kinni bene bēēn-a tyer yi ji bēnn,

Kà bēēde á gĭn pere tek kinni keløg dhanhø odhalø yi rāji bēēdø, nyii rumø kinni óyiel-a yi ngānyi wāye kipe kò guud wange, ngan ni menani di ceg ka korrø yi cigg,

Kà bēēde á gĭn pere teg kinni bēēd pōdhhi kōmi piny bēnn ki mēr, e ri gen ngānyi yi gen,

Kà árum yīēyīi yi Buri Pōdhhi Kōmi Piny, ka cĭb yi gen á Cigg kinni dhanhø bēne pār, o ko mään gĭndøj men-a dwdde, mó ji ceg bēēdrø ga ji bēnn ceth, o ge pār bēnn ying ga cwøw walà mǎnn, ge di dwaddø kinni kony gen ki tyenyi bēēdi gen, o ge dōnyi gen ge bēnn,

Kà árum yīēyīi yi Pōdhh-a Yij Buri Kōmi Piny, ka ge okōøbø kinni ge ógōøgø kiper tyēgi møg-a óyīēy yi gen ki gwøgø, kyeel ki Buri Pōdhhi Kōmi Piny, a løg konyi dhanhø bēne ki wøri ree, ki korri ji bēnn,

Kà ørum yodii yii ji kinni gĭg-a dwaddi yi dhanhø bēne päär ki kinni bēēd dhanhø wĭje, bene gen a per gen teg kiper dhanhø bēne,

Anan, ki bang møgani bēnn,

Buri Kōmi Piny Bēne

Ceg-a cĭb ki Gĭg-a Dwaddi Kiper Dhanhø bēne ki Kōmi Lābø; møgani cĭb ga møg mĭdhi yi ji bēnn ki pōdhh bēnn; ge ködd-a kōmi dhanhø geki tyēng-a bēēd gen ki kej ókyel, bēēd gen ceth ge mĭdh-a Møg-a Ácĭb ki wādhi gen, ka gĭgani pwōnyi teedø, kiep kinni o ji dĭd gen ki wøri ri gen, o gĭgdwaddi møg-a ócĭb kipe bēēdi ji ki wādhi gen ge pa böggi mĭdhi ki wuōdø ki yij pōdhø kete ki kelli pōdhhi kōmi piny, kipe mĭdhi døøji burø ki kōmi piny bēne, e ji ri gen gānyi yi gen, o ge wør-a ri gen kì yedhi Pōdhh-a Yij Buri Kōmi Piny, kì kelli tyēng-a bēēdø ki yedhi pinyi pōdhhani ge mĭdh-a cigg.

Cigg 1

Dhanhø bēne ba anywølø e path ki bång, ge pār ki yij bēēdø geki dyērø. gĭn-a dwaddi kiper gen yĭ gen da rumi ki bēēdø mø gōøg gen ki pyēw akyel ga nyimēgg.

Cigg 2

Dhanhø bēne yĭe da cwagge kipe gĭn-a dwadde kí bongi bångø men-a ócĭb ki yij buri jur bēnn, e bong geny, kiri jur wala kĭdø wala ki bēēdø á dhajø wala jalø, wala kwøbbi pōdhø wala keløg e da rum mø bēēn pōdhi wun wala tha gøl wun wala jammi wala nywølø ki bēēdø.

Cigg 3

Dhanhø bēne dwadd-a nēnnl kì kōmi lābø, ki bongi bångø ki kori dēēle.

Cigg 4

Ko di dhanhø me mĭdhi wala ngew a bång Nyew ki bångg ba akerø ki yēdh-a nyi gøgii bēnn.

Cigg 5

Dhanhø ko pwød wala dwany, wala ko gōggi ki gĭn-a pa nyi gōggi dhanhø wala møg-a raj wala ko gōggi ki abaarø.

Cigg 6

Dhanhø bēne di dwaddø kinni wør á dhanhø ceth ki bøli cigg.

Cigg 7

Dhanhø bēne pār ki bøli cigg, o ge dwadd-a bēēdø e bong geny, o bēēd ji bēnn ge okorrø yi cigg.

Cigg 8

Dhanhø bēne ócuggø kedhi buri pōdhø keløg e ogōggø ki raj ki kōmi gēø men-a mēggii yi cigg.

Cigg 9

Bong dhanhø me mag wala mään wala kyeew kej megø.

Cigg 10

Dhanhø bēne bēēde e par ki ji bēnn ki bøli burø. Ka gønye lidh kì burø me yiye bong geny kì ruj.

Cigg 11

Dhanhø men kōme di cay bēēd a acwag kinni yĭe bār gĭti na keny-a ocayii, e cōyani køøl-a kōmi cigg.

Bong dhanhø men cuggi cayø kipe gĭn-a gwøg yi en wala men-a nuti gwøgø yĭ en gĭti keny-a o yodi kĭnnl cigg mø pōdhø wala mø kōmi lābø gĭ pyeem en ki bøli keny-a ocwøb kwøbani. Thyew, ko cay kĭ cōy mø lod møg-a caayii kì bøli keny-a acwøb rajjani.

Cigg 12

Ko di dhanhø me gōggi ki raj kì yij bēēde wala gøle wala keny-a bēēde. wala kōme ko kōøb ki kwøb mø rēnyi nyinge. Dhanhø bēne di dwaddø kinni kor yi cigg.

Cigg 13

Dhanhø bēne ba ayīēy kinni wele. wlala bēēde ki yij keew pōdhø bēne.

Dhanhø bēne ba ayīēy ki dāgi pōdhø megø. Ócuggø dhwōdhø ki pōdhi gen, o ócuggø ki dwōøgø yiye.

Cigg 14

Dhanhø bēne ba ayīēy ki yōmi pōdhø megø keløg wange oguudø ki pōdhi gen.

Dyēr menani ko mään dhanhø keløg e da guudi nying, kĭ mød kipe kwøbbi jyägø. wala kipe mø bään ki møg-a ócĭb yi Buri Kōmi Piny.

Cigg 15

Dhanhø bēne yĭe da dyēr me kåbbe kĭ jĭnsia mi pōdhø me path ki pōdhi gen.

Bong dhanhø me cuggi määnø ki jĭnsia mee ki mi podhø megø.

Cigg 16

Dhajø geki jalø møg-a wādhi runni nywøm yĭ gen da dyērø me nywøm gen ri gen, o ge gōøg gen ki kal e bong gĭn jog gen kiri kwøbbi Jwøk wala købbi jur, nimi ka nywøm gen ri gen, yĭ gen da dyēr kiri nywøm geki tång.

Nywøm dwada cuggø ki kaam dhajø geki jalø e bong cĭir.

Kal ówōni pere teeg ceth ki buri ji, o kor ceth yi burani kì pōdhø.

Cigg 17

Dhanhø bēne ceg bēēðø á ayiēy kí mīdhø ki jammi, ying gī mīdhe ga møge ket wala møge geki ji møøgø.

Jammi dhanhø ko wōl ki kabø.

Cigg 18

Dhanhø bēne yīe da dyērø me rume, ki bēēðø ki kwøbbi Jwøk. O dyērø menani thōdha gøn ki teegø me wile kwøbbi Jwøge wala yiēye kete wala geki ji møgø.

Cigg 19

Dhanhø bēne yīe da dyērø mi kwøb ki nyudhø ki gīn-ao røm yi en, dyērø menani wēga en yēyø ki rumi ji møgø e bong cīr, ócuggø tīngø ki wōdd ki yī ji rāādi ki wāj j e bong ngan määniī.

Cigg 20

Dhanhø bēne yīe da dyērø me rēbe ki bur møggø ki akudd-a yedhi gīn yīdde mēr.

Bong dhanhø me cir kipe o rēbe ki akud megø.

Cigg 21

Dhanhø bēne yīe da dyērø me gōøge kí yij mīri mi pōdhø, keløg e gsøg ki kenyani yood en ka cwagge wala kwa ny-a yi ji møøgø.

Dhanhø bēne yīe da dyēr me nimi ngan-a kyeelø o gōøge ki kājji gwōgg kí yij pōdhø.

Yīēyø mi ji en a re kāāl yi teegi mīri, ø yiēyani kāāl-a bang leeng men-a nyi leeng ji o cugi bēēðø a leeng tīngi cing wala men-a nyi gwed.

Cigg 22

Bēēdi dhanhø á ókyel kí kelli tyēng pōdhø wang-a kinni, burani ki bang gsøg pōdhø ki nywäg kömi läbø geki møg-a nywag, ki tyēny pōdhø ki jamm-a nyi nywøl en ki møg-a kani ki ngyēny, ki bēēðø kí kej akyel, ki øddi gwedd møg-a bong kār, ki teegi peri dhanhø ki kunø e bong bāāngø kipe dhanhø.

Cigg 23

Dhanhø bēne yīe da dyēr o gōøge; ki gwøng-a dwaddi yi en, ka pōdhø kore o bēēðø e bong ngan jad ki gwøg.

Nyi cuddi dhanhø kí kōøgi men-a kyēēw ki gwøng-a gwøge e bong geny.

Dhanhø bēne men-a gōøgø yīe da dyērø me cudii kí kōøgi men rømi kipere kí gøle.

Dhanhø bēne yīe da dyērø me køøgii kenya-a órum gwøge á (makāpī) me kōme pādhi yi en geki gøle, o kōme ócuggø ki kídhø kipe kinni wange ko cyāni kenya-a óðøøg cinge ree.

Cigg 24

Dhanhø bēne yīe da dyērø kipe cyāng ywōmø ka cuddi ceth keløg e ogōøgø ki cyāāng ywōmø.

Cigg 25

Dhanhø bēne yīe da dyērø ki yij bēēðø, kipe kori dēēle, ki cwage, ki gøle, gīgcaam, ki ogødh, ki ød, kori rāmi dēl ki jam døj kipe bēēðø, thyew ki dyēr me korii ke bong yīe gwøg, rāmi dēl nyødhi dēl, kí kījø, kí dōng.

Mēgg ki othønhø yī gen da dyēr mi kori gen ki konyi gen, othønhø bēnn dwata korø, møg-a nywøl kiri yuu nywōm wala møg-a nywøl ki yēdhø møøgø.

Cigg 26

Dhanhø bēne yīe da dyērø mi dīðø kí gwed ka cugge. Gwed dwatø bēēð e bang gīn col. Ka dwate bēēð a cīr kipe cukø, yiēy nyi gwed wala nyi gwed ki ød gwed men-a ying mal dwatø kāl bang pōdhø me.

Dīðø dwata bēēðø á men tīng bēēdi dhanhø o wøre dyērø ki bongi bāngø kipe līngi dhøg, ki dwøg laaw piny ki kelli teedø ki kelli jur møg-a gēnyø, ki tyēng kwøbbi Jwøk møg- a bān, møgani kony-a tyēng buri kömi läbø ki kori mēr.

Wēgg yī gen da dyēr kipe yeny yōø men-a dīð yi nywølli gen.

Cigg 27

Dhanhø bēne yīe da dyērø me nywāge kiri kwōng bēēdi ji ki kunyø kipe dīðø.

Dhanhø bēne yīe da dyēr kipe kori kōngi ki jamm-a nywøl yi dīðø.

Cigg 28

Bēēð dhanhø e okorø yi cigg møg; gen a cigg-a ácíb ga møg ri gen bēēð yi pōdhø kí bēēndøj geki pōdhø-a kyeelø e da korri gīg-a dwaddi kipe døøji burø, ki tābbø, ni ka ácíb gen ceth ga møg mīdhi.

Cigg 29

Dhanhø bēne yīe da mwøg me dwati gwøgø yi en ki buri ji.

Kiri gwøøg dyēr ki bongi bāāng, dhanhø bēne dwata bēēð nimi ka dwatii yi cigg, kipe kori yiēyø ki wøri dyēr kí bongi bāāngø mi ji møøgø.

Dyēr møgani kí bongi bāāngø, mīdhi gen ceth kí yuu-a dwaddi yi Buri Pōdhhi Kōmi Piny.

Cigg 30

Ki yij nyudhø men, bong gīn cuggi løgø me nēngi pōdhø wala ji wala dhanhø ki teegø me gōøge kipe rēnyi gīg-a ácíb møg ki bongi bāāngø mø bāān ki møg-a ácíb ki yij wānyø men; a løg Møg-a Acīb yi Buri Pōdhhi Kōmi Piny.